

28 SEP 1997

PELUKIS UZBEKISTAN DAN BOSNIA PAMER LUKISAN KEPADA PENDUDUK KAMPUNG

KANGAR, 28 Sept (Bernama)-- Dua pelukis luar negara, Muhamedov Zokirjon dan Cazin Sarajlic hari ini mempamerkan karya mereka kepada penduduk Perlis pada pameran sehari di Beseri dekat sini.

Karya mereka yang selama ini dipamerkan di hotel-hotel bertaraf antarabangsa di rantau Asia dan Eropah menjadi tarikan pengunjung. Pameran diadakan di Pustaka Ilmu Beseri.

Zokirjon, seorang guru di Institut Kebangsaan Ramliddin Behod, Uzbekistan dan Sarajlic dari Tuzla International Art Gallery, Bosnia mempamerkan karya mereka yang bertemakan "Seni dan Masyarakat Bersama."

Sempena pameran itu, 50 pelajar menyertai peraduan melukis poster Perdana Menteri, Datuk Seri Dr Mahathir Mohamad dan Menteri Besar, Datuk Seri Shahidan Kassim.-- BERNAMA

RIS MAI